







# 呂氏家譜

呂氏世系詩

宋龍圖閣學士呂淵撰



山發崑崙布列九州水宗四海各有源頭萬殊一本  
盡可推求人本乎祖豈不知由余乃姜姓神農裔流  
伯夷典禮堯錫爲侯佐禹治水心膂之儔遂封於呂  
尙父成周武王錫爵封於營丘三十二世康公爲君  
田和篡位遷於海濱康公七世有孫曰禮自齊奔秦  
昭襄聘起柱國少宰侯封北平子曰伯昌孫曰呂青  
佐漢高祖入關有功封陽信侯謚曰胡公居於彭城



子曰馬童爲漢騎將追羽烏江爵封中水蔭襲延長子夷共侯霸尙書令娶王殷女門閹稱盛霸孫曰徵尙書長史葬於掖城乃生二子長陵太守次隆刺史陵傳五世有孫曰德仕於曹魏至二千石子肇別駕生子曰虔魏徐刺史侯封萬年世居東平呂氏宗焉虔生二子曰翻曰鵠翻襲父爵鵠亦膺祿翻之玄孫名曰雙周封齊郡公歷刺諸州其孫永吉襲封承休鵠子行均東平郡伯孫十刺史一時烜赫十五世雄唐左監職家世河東始遷莫識雄生三子崇禮崇粹

孟諱崇嗣父以子貴崇嗣二子延之居先次曰從之唐左贊善御史延之陞秩浙東節度大使一子堯渭官刺七州追封僕射沒後恩優温恭儉讓四派以分衡州刺史籍載吕温恭官防禦儉爲驄馬讓右庶子宗元相雅讓生三子兩登進士焜兵員外晉州刺史燁第咸通燈爲不仕修道廬山洞賓仙是温子曰鎮孫頊刺史因官萊州畱家於彼生韜縣令仕唐末紀韜子夢奇兵部侍郎長興一院譜系分張龜圖龜祥南府北府龜圖號南文穆之父龜祥號北文靖之祖



文靖五子公著爲雄哲宗各相贈申國公長子希哲亦謚榮公爰生好問東萊侯封夫入王氏乃生本中揆弼用忱五桂齊榮弼生大器實誕伯恭隆興進士秘閣優崇倡道於婺爲世儒宗檢寬貞珣傳至咸休居於汲郡卽今衛州戶部侍郎仕於後周顯德一院名播千秋曾孫大防史冊兼修哲宗賢相不立黨遊遭奸謫貶卒於虔州恭居幽州爲壽之祖壽舉進士官終縣簿其子各充判節度府守光篡弒誅夷苦楚生子曰琦年方十五父客趙玉負逃險阻後仕晉高

侍郎兵部各天福院俱備宗譜長子餘慶太祖叅政操戈伐蜀四方平定幼乃諱端司徒僕射太保平章侍郎門下謚曰正惠仁厚長者女適宗室四子登仕曰藩曰荀國子博士蔚補中舍出僉軍事藹官進馬先兄而逝蔚生子九客居永康荀用子恩贈官侍郎荀子凡六諫說諤諂爲五兒誨第六支諲字商佐來衢作客心悅龍丘因而占籍生子由仁孫防居嫡熙寧登第大中官職胤分二派居水南北岑山前橋實由肇迹誨字獻可人中之彥景祐登科三居諫院



進位中丞旋遭凶變司馬溫公嘆其先見有子四人  
長曰由庚由禮由聖幼諱由誠庚簿金水聖作監丞  
禮官監簿曾舉明經誠知襲慶死節孤城其子有七  
兩喪金兵第三子傳有子紹清自蜀赴闕懇祖忠情  
詔加三官二子承廕長子諱億大理評事第五子倬  
大學舍生倬居東陽億居新昌帶祖骨殖權厝雪塘  
後葬蒼嶼宅兆孔臧乃生三子集爲長房其仲其季  
紹庭紹彭集勿及祿中歲而殞葬於杜潭墓各祥筭  
娶劉吳氏孀居無損生有六男英敏奇特房分孝友

睦媼妊媼孝蒙後呂友憲疊石亶號睦房前呂是宅  
曰宣定雋號媼妊媼各宅一區俱官右職定遇單恩  
得膺封冊母封安人父贈武翼琰贈宣教蒙子第二  
瑾乃亶生亦贈承事憲生二子璟長環次璟生全之  
出身進士環生願之首薦鄉試琰生元之亦登進士  
正宜徽之元之諸弟幼弟聲之繼兄登第元之二子  
曰遵曰逢遵爲國錄曾第春官宜之生遲娶福邸女  
階授郡馬光榮閭里遲弟名遷一舉應舉官任迪功  
亦由進士瑾子冲之慶元進士僉判南康官階奉議



冲之二子長曰惟用與弟曰通俱由鄉貢用奉太學  
未沾祿俸通贈朝散子官褒奉綱其長子紹定進士  
勇退隱居終身不仕弟曰秉南同兄登第累官農卿  
積階朝議秉南子嶸台州司理四世聯科宗族罕比  
紹庭來遷會稽南鄉地名平水秦望當陽一子正巳  
學士承芳生有四男光遠長房以廕補官授職爲郎  
揚遠明遠叔仲二房季名昭遠會守武崗光遠長子  
卽淵父鏘次鏐縣令與父俱亡淵承祖庇叨預冠裳  
亦爲學士承乏吳邦忝生三子僅續書香大郎景伯

教授維揚景山胄監景陽郡庠明遠乏嗣揚遠生鏜  
鏜生子浩官將仕郎娶管鑑女贅居於江彭徙山陰  
縣之北鄉地名陡門密邇三江生子一人名爲世良  
善於居室家道頗昌倬子紹義養高不仕有子三人  
友德進士定夫友之業儒未試凡茲諸呂並河東系  
始顯於唐再振五季三院分派一時稱異入我宋朝  
聞望尤著大魁一人三公九位拜相有五平章居二  
列卿侍從難以數計我祖中丞天福院齋評事來南  
相傳七代子孫蔓延隨處皆在余籍會稽亦其流派



常念諸宗始同一氣族大而分往來禮廢稱謂莫知  
途人相視余爲此憂爰修譜系凡我子孫宜念爾祖  
誦詩讀書出孝入敬黽勉承家繼美先正君子之澤  
庶不斬罄如爾罔念具曰予聖福善禍淫上天之命  
餘澤旣盡難保全盛夙興夜寐可不兢兢豪傑之興  
不待文王自我作祖可以顯揚其源旣浚其流自長  
爾胤永錫世德重光余輯茲譜日征月邁祖功宗德  
文獻脩載展卷一觀盡知其派諦聽予歌遠延百代  
宋寶祐四年撰

海昌呂氏舊譜序畧

東城居士鑿

譜以傳信使子孫之識其祖如木之根水之源使子  
孫之親其族如木之枝水之派予輯譜自都督公崇  
嗣以下無一代絕續者某生某昭然可識其祖也若  
都督以上勿可考予何敢遠溯焉自溫恭儉三支以  
下無一代牽合者某自某又昭然可親其族也若三  
支以外勿可考予何敢旁及焉  
畫小圖一自予恭太公以下則加諱字以別之識所



自也

紀傳亦止予直下之祖然無事可見者僅存世次而已勿敢贅一詞也予何敢欺吾祖以欺後嗣

自唐都督公崇嗣生延之爲御史大夫節度使延之生渭爲七州刺史渭生溫恭儉讓而四派以分迄於今繁衍不衰恭卽予之始祖也恭之孫曰壽壽之孫曰琦於晉天福間爲兵部侍郎而溫之孫曰頊頊之孫曰夢奇於後唐長興間爲戶部侍郎儉之孫曰貞貞之孫曰咸休於周顯德間爲戶部侍郎若三人者

俱五服昆弟而官同爲侍郎所以呂氏宗譜舊有三院華胄之名後嗣亦以其逢主之年分爲三派故予琦太公之後則曰天福侍郎院派而琦之子則有榮知政事贈侍中餘慶司空贈太師中書令正惠公端端之孫則有御史中丞誨誨之子則有襲慶知府由誠由誠生評事億億之孫則有顯謨閣學士正巳正巳之曾孫則有龍圖閣學士淵是皆天福之派也至若夢奇之後則曰長興侍郎院派而夢奇之孫則有文穆公蒙正蒙正之姪則有文靖公夷簡夷簡之子



則有正獻公公著公著之孫則有尚書右僕射好問  
好問之曾孫則有國史院編修祖謙是皆長興之派  
也咸休之後則曰顯德侍郎院派而咸休之孫則有  
太常博士通通之子則有比部郎  
贈太子  
太保蕢蕢之子則有僕射贈太師正愍公大防是皆  
顯德之派也

自評事公億生三子曰集曰紹庭曰紹彭自集太公  
生六子曰蒙曰憲曰亶曰寘曰定曰雱予爲蒙太公  
之後則長支也今新昌所稱後呂者是若憲之後則  
次支也今新昌所稱疊石裡竹者是若亶之後則三  
支也今新昌所稱前呂者是

自正惠公四世至評事公徙新昌自評事公七世至  
璞太公而遷餘姚又五世至予祖樂閒公而遷海昌  
璞太公與石氏爭墓地石氏橫賄官構訟欲害公遂  
潛避餘姚時已六十矣挈其子思賢思慎孫克孝克  
友相携偕隱又相繼而卒秀山秀泗零丁孤苦樂閒  
公館於海昌僅十有七歲也故雖五世居餘姚其間  
僅數十年耳  
樂閒公諱昌



子少時兩歸新昌堪輿家云余祖墓飛砂秀異子孫  
遷外者必貴予一支自遷徙以來從無失德今子若  
孫及弟姪輩庠序森然幸勉勵以鍾祖墓之靈氣  
棲水族姪水山才思不羣常言其祖東谷公墓水深  
土厚必產異人又欲與予共修三院宗譜今水山久  
留都邸予亦有志而未遑也倘予後嗣有能振起家  
聲其歸奠各祖之墓修吾宗之譜弗使吾祖有湮沒  
弗彰之子孫是則予之志也夫

秀水語水嘉善或爲文穆公之後或爲正愍公之後  
或爲正惠公之後水山常欲兼而系之予謂宗族繁  
昌大費聯合若有遺焉誰非三院之裔其失之也若  
欲博綜則序次亦難秩然詳備莫若以予正惠公評  
事公之後親支合爲一譜其餘族則舉現在甲科明  
經孝秀訂一名號序錄叔伯與叔伯爲輩昆弟與昆  
弟爲輩子姪與子姪爲輩其名號之下則註居某地  
出自某派旣無圖系之多而難成又可使子孫之名  
分定而不紊庶幾吾族可與天地久長矣  
按舊譜載德寶老年無嗣撫恤秀山秀泗秀泗因國



呂氏舊譜序  
初兵亂兼爭產奪繼先移至海昌後秀山之孫亦移  
至海昌云余少時餘姚叔向榮曾至予家索閱舊譜  
自言六世祖貴義生德玉因國初編審戶版悞呂爲  
李所以五世姓李德玉與德寶爲嫡兄弟不知何故  
海昌相傳秀山公會爲德寶所撫向榮爲予叔行今  
少宰諱本卽其孫則少宰是予姪也

吾族世居新昌近服自郡馬暹太公以下遠服自評  
事公以下發祥最盛侍郎公諱獻爲予七服之叔廉  
憲公諱昌爲予十服之曾叔祖而工部公鳳爲予七  
服之叔進士大川爲十二服之兄今侍御光洵則十  
四服之姪也予故述其畧以俟吾子孫之識所本原  
而知厥支派者時嘉靖四十五年呂鏊臥病謹述



呂氏重修族譜序

愚菴治平雍時氏述

輯譜之要不詳辨其世次則必致混淆而不採擇其  
行事則無可儀型此輯譜所以難且慎也然非虛心  
諮訪舛謬時有遺漏滋多今有人出外一世不返則  
其更名轉徙子孫有無家人莫知矣况族人乎平必  
詳爲搜覈不使有誤然徒載空名無所取義卽泛假  
遺文誥勅墓誌傳記數篇亦繁而無益平必擇其事  
之足爲儀型者載之余家自新昌遷寧以來前此東



城公所手訂世次井然無攀援附會斯爲傳真之筆  
今又徵考四十年方敢序其世系而錄其行事於祖  
先取其可師可法者吾願族人之師之法之也於宗  
族取其可慕可傲者吾願族人之慕之傲之也若者  
功建朝廷若者績垂民社吾何以勲業不彰也若者  
紀載史策若者祠祀春秋吾何以沒世不稱也若者  
孝友著家庭吾何以有歎子弟也若者惠澤施鄉黨  
吾何以負慚邑里也若者高風峻節吾何以不免流  
俗也若者博學著書吾何以自甘淺陋也若者登賢

書若者捷南宮吾何以失顯揚長貧賤也若者世簪  
裘綿堂構吾何以寡詒謀鮮餘慶也吾族果能奉爲  
儀型則不難與祖先踵武與宗族媲美矣凡我奕世  
後昆皆能法而倣之何慮不發祥悠遠也哉故於行  
事所採輯尤具有斟酌而深思焉自高曾祖父雖遷  
而與族不曠平於丙戌童年倖進在會城先君引見  
諸父伯兄嗣後闈試必假寓密邇歡洽彌月加以每  
歲或至省或至舍或赴館或赴任或赴公車音問常  
通情好不隔緬想四十餘年族誼之貺予篤且渥矣



新昌栢菴叔大昭弟爲最親若叔祖讓榮水因若諸叔爾振子迓魯園載璋爾英彝重旦復屆遠若諸昆弟夢軒五端德宣孟嘉公度五脩雲次廣平奕昭宮生震侯季閑其諸姪則莫若適周應占棊忱樂只聿修伯讓帝臣開子惟寅諸姪孫則莫若奕封昆季皆視子諡若同室他如通往來者又多也餘姚叔裁之幼陶爲最洽若叔祖瑛田楚白叔沛之吉文岑梅兄謫名弟上律如公彥衡諸姪行則鼎卿紫郊子翼皆視予契若同堂他如相會晤者又多也棲水丹羽叔

翊令兄爲最厚若諸兄弟則雪茹蔭秋建侯修之美叔殿宣若諸姪則山瀏德升旭昭以聚若諸姪孫則楚衡季平士衡渭英思兼雲綺皆視予親睦不渝陟豐見五叔相待之厚數十年如一日而燕翼壯其書啣文右諸弟皆視予和協無間至若諸暨祖忠穆金華祖東萊永康龍游同祖正惠及語六之情誼不踈平欲修統譜因浩繁難成故止就海寧秀山公三房及丘滙後洋共五支輯爲一譜新昌餘姚陡豐則總載世系棲水石門則列其名號而宗族昭然可覩矣



平念先世遺訓子孫不發不許歸見祖宗何意辱膺  
台郡廣文道由祖籍如遊子之歸而家人欣喜卽引  
拜宗祠謁祖墓凡爲叔姪弟兄深情聚首日輪數主  
人歎留半月無倦容迄內艱言旋吾後呂少長咸集  
偕平拜別祖墓更爲牽衣裙匿行囊挽留眷戀不忍  
言別大昭又手作祭章約通族致弔先慈噫族誼之  
敦他姓所未有也愧平終老牖下有負先世之遺訓  
幸族誼之慇懃不及報德宣孟嘉公度雲次五脩應  
古適周斐忱樂只奕封諸君并無以報我栢菴叔大  
昭弟也望我後嗣常如四十餘年敦睦則祖先在天  
之靈必有以歡然相慰若斯譜之成則兄文熊弟才  
三侄子雲允恭季良襄助爲多非余一人之力也  
康熙三十二年中秋日題於學古堂





呂氏家規二十則

一逆子不孝弟干倫犯分者擯不入族

一祖宗坟墓宜培植不宜侵伐凡不肖子孫或毀樹木或發塚穴擯不入族

一有不爲良民自作盜賊者擯不入族

一有辱人賤行甘爲奴僕者擯不入族

一子弟聯姻必須姓氏相當若與奴僕下賤成婚者擯不入族

一有壞閭門傷風化淫亂無恥者擯不入族



一敗子好酣賭縱佚廢家者衆共責之  
一不教婦人長其不賢者衆共責之  
一不擇交友匪類爲羣者衆共責之  
一陰謀暗筭侵害宗族者衆共責之  
一不敦族誼強欺弱少凌長尊侮卑者衆共責之  
一爲人子父母棺槨有力者葬無力者燒若暴露毋  
損衆共責之

一居官貴清居家貴正處世貴公期於自立人品  
一教子弟讀書爲上農與商賈各守本業期於共振

### 家風

一爲人寧寬厚毋刻薄寧朴實毋巧僞寧儉嗇毋奢  
侈寧忍耐毋忿爭

一族中散處雖偶然相遇必名分稱呼不可含糊不  
認

一歲時慶弔貴於親睦往來不可踈濶

一乏嗣原有應繼愛繼接續香火不可他姓承祧以  
亂宗支○無子者定爲通例其田產議什分之一  
歸之祠墓助爲春秋祭費



一各支宜置祀田合族宜建祠堂有志者當相約次第舉行

一取名二十四字以便世次相承欲此外另取者悉聽

治心惟道 立志在仁 丕承世德

克保大倫 佑啓昌祚 可以永遵

慶茂 夢得 升周 金榜

同族昌期 聖錫 治平 治定公訂

天澤 夢祥 旭 心堯

### 晚齋公家訓

父母不可不孝詩曰哀哀父母生我劬勞自三年懷抱一聞啼哭撫摩在手稍長卽延師就學凡飲食衣服教訓鞠育早暮無間及至婚配終無放心之日而爲子者不順乎親不率其教真逆子也尚其承歡養志求爲顯親揚名而後可

兄弟不可不愛兄弟卽有不是要看父母面思及同胞二字便不忍相爭父母沒後偶起一佔便宜之念或欺弟欺兄之語卽如見父母悚然自警便不敢相



欺弟兄同心協力則家業易成外侮不至

叔姪不可不顧每見叔姪各分爾我貽笑旁觀果能  
事務代理語言代答外侮代解一應門戶事不致彼  
此推諉何等一心相顧自然振起家風

夫婦不可不協日同殮夜同衾反目鬪氣成何體面  
兒女看何好樣僮僕有何敬畏甚至壞器物廢紡織  
耕讀不若消融忍耐和合成家之爲得也

妯娌不可不和每見妯娌一經相爭便致時爲喧鬧  
隔壁呵犬罵婢此卽關心接口其夫各爲其妻以致  
弟兄參商不爲田財空自忿爭語云夫爲妻綱當各  
制其妻化爲一堂雍睦可也

教子不可不讀祖宗世傳儒業士之子當恒爲士衣  
冠何等雅飭詩禮何等清高况子弟十五以前無他  
事可習不如專教讀書雖無驟顯以後必有振興  
教婦不可不賢凡娶婦而賢固家門之幸倘有不淑  
則姑之待媳夫之待妻必日漸陶融使逸者勤費者  
儉悍者順多言者謹無禮者有規姑爲婦之儀型夫  
爲婦之視倣正家者當從教婦始



婚姻不可不擇嫁女不論聘禮娶婦不論奩資只擇詩禮世德之家女得佳婿男得賢婦足矣

家業不可不守祖父千辛萬苦掙得一分基業子孫蕩廢而不惜祖父千思萬慮創得一分門闈子孫敗壞而不恥故富家子孫須曉得祖父勤儉銖積寸累所致爲公子公孫須曉得祖父讀書錘心嘔血所致便知自守矣

父母不可不葬子孫安居寢室而親棺暴露于心能無惶然乎當求親骨萬古久安不得草率從事亦不得蹉跎歲月

祭祀不可不誠子孫朝夕飲食俱先人所遺止此歲時一祭不思豐潔告虔真不敬不孝也先人音容已杳惟祭時一接當盡如在之誠儼若面對先人不得虛文從祀

居官不可不忠凡大小爵祿俱君恩也一受厥職必思稱職以報君清操愛民鞠躬盡瘁皆忠君也倘貪污虐民患得患失以負厥職必致身名俱敗貽玷祖父尚其慎旃



職業不可不專士農工商各有所務若佚遊開放身心都無管束必致習爲不善

用力不可不勤男耕女織必夙興夜作則布粟有餘父誦子讀必時習時敏則學問可精若偷安息惰則田蠶薄收儒業無成

用財不可不儉起家之人日用必儉漸致贏餘一日省一分則積少成多一冬夏省衣服兩許一宴會省酒肴兩許則終身所省必多若每日侈用每事浮費必致鬻房產不得食用而後已

交友不可不嚴往來俱正人則得聞正言得見正事若卑諂奸詐之人往來則誘之淫蕩佐其構鬪蕩家喪身大率由此

官訟不可不禁有飛殃牽累者愈當隱忍推避若忿激出頭則誣陷愈甚切勿受貪昧問官扛幫訟棍之害卽有租債逋負田產爭競當自理諭清迨至于言語凌辱不妨含忍切勿輕發訟端萬不得已鳴官有人講解卽止切勿終訟求勝

人過不可不隱只宜隱惡揚善若稱人之短暴揚過



失不惟招人毒恨抑且自損厚道

言語不可不訥居家不訥卽兄弟夫婦易致相爭處世不訥卽交友隣里常招嫉怨

精神不可不惜人生如溝水易涸燈油易乾一經縱慾消耗小則疾病大則喪身

陰德不可不積人有患難卽思拯救之人有饑餓卽思濟活之遇有誣枉人者爲之表白遇有筭計人者爲之解散從一點不忍之心隨地行其方便不求人知陰功日積矣

借貸不可不慎不足時只宜苦守不得輕爲借貸將田產典沒他人卽已有餘只可置產切不可放債或遭逋賴或傷親情

完官糧不可不早此是自已分內事遲延有何便宜一經拘拿便口舌多費并有見官不測諺云若要寬先了官最爲要務

御僮僕不可不恕若幸得富貴當戒最奴僕不使逞勢歎怨至于朝夕役使或力作田畝或負擔追隨當惜其饑寒勞苦毋輒加捶詈若寬恕以御自得效力




歸心

待隣里不可不寬彼與我居相比出入相見解勸最  
易生非亦易若以意氣相凌彼雖一時含忍而心懷  
嫌隙急難决無相助暗中必遣登構

敦宗族不可不親凡友誼數年一變親情隔世即疎  
惟宗族天地同休雖住居遙隔若一相遇則為弟兄  
為叔姪契洽必異他人况同邑往來無間必多夾持  
扶助之益

七世孫 治平 治定 敬述

唐朱河東呂氏世系圖















呂氏宗圖




鄔橋隆興港大支

呂氏宗圖






呂氏宗圖



大東門今遷

呂氏宗圖


西門外三支






豆腐巷北門外今遷

呂氏宗圖



鄔橋西北

呂氏宗圖










盛家橋南支

呂氏宗圖



呂氏宗圖


居破石






呂氏宗圖

敵塔長支



呂氏宗圖

居城中











六里橋

呂氏宗圖



呂氏宗圖


吳娘橋塘閣  
呂家石橋桑園






呂衙巷今移居

呂氏宗圖



明遷丘匯呂氏世系圖











呂氏宗圖

樓下次支



呂氏宗圖


樓下長支





高橋長支

呂氏宗圖




呂氏宗圖

高橋次支






呂氏宗圖



高橋四支 遷樓下

呂氏宗圖




高橋三支 遷大樹下




呂氏宗圖

後洋大支



明遷後洋呂氏世系圖



呂氏宗圖


呂氏宗圖

呂氏宗圖




呂氏宗圖

後洋三支



呂氏宗圖


後洋次支





後洋四支

呂氏宗圖



呂氏世系

呂氏出自四岳至太公封齊漢初青與馬童父子  
 封侯曹魏時呂虔封萬年亭侯又十五世至雄為  
 唐左監生子崇嗣崇禮崇粹。崇嗣字昌始官都  
 督世居河東生子延之從之自延之以下世次昭  
 然故呂氏宗譜斷以延之為始

一世延之 崇嗣長子

唐開元進士官至御史大夫浙東節度使子二涓  
 勛



二世渭

延之長子

字君載乾元二年進士殿中侍御史禮部侍郎又歷任七州刺史子四温恭儉讓

三世温

渭長子

字和叔一字化光貞元末進士為左拾遺與柳宗元劉禹錫友善初順宗在東宮王叔文勸納英俊以自輔順宗即位叔文用事及敗宗元等八司馬俱貶惟温以奉使吐蕃獨免後與竇羣劾李吉甫温自刑部郎中貶道州刺史又轉衡州秩滿歸京

疾卒温天才俊拔文采贍逸有丘明班固之風所著凌煙功臣銘文集十卷子鎮

恭

渭次子

字敬叔為桂州防禦使轉嶺南節度判官早卒墓在洛陽柳宗元撰銘娶尚書裴延齡女三子爽環特居幽州

儉

渭三子

字簡叔仕至侍御史子寬

讓

渭四子



四世鎮

字子謙元和十五年進士海州刺史子三焜焯焜

居河東初温劾李吉甫自吉甫再入中書其子李

德裕繼相吕氏子孫無至達官者鎮子頊

爽 恭長子

隱居霞山子壽

寬 儉之子

居汲郡子貞

焜 讓長子

大中七年進士兵部員外傳七世有孫名蔚進士

終制置司子球進士齊州判官居歷城縣其孫京

進士國子學錄生頤浩紹聖元年進士歷官浙西

安撫使鎮南軍節度使開府儀同三司封秦國公

贈太師謚忠穆○頤浩賜第宅於山陰六子其次

子擴徙臨海七世孫焯自山陰徙諸暨焯子升洪

武庚午舉人孫公愿永樂癸卯舉人曾孫詵成化

乙酉舉人

焯 讓次子



咸通十四年進士

煜  
讓幼子

生時異香滿室天樂浮空會昌中兩舉進士不第  
遇鍾離子於廬山遂學道修仙改名崑字洞賓號  
純陽子

五世項  
鎮之子

萊州刺史因家焉子韜

壽  
爽之子

進士任景城主簿子充

貞  
寬之子

生子珣

六世韜  
項之子

仕縣令子夢奇

充  
壽之子

橫海軍節度使判官節度劉守文爲其弟守光攻  
死充以謀主見殺子琦

珣  
貞之子

生咸休咸有



七世夢奇

韜之子

後唐長興中兵部侍郎生龜圖龜祥

琦

交之子

字輝山父交為劉守光所害琦年十五門客趙玉  
紹監者曰此吾弟非交子也遂得免負而逃仕晉  
天福間為兵部侍郎終身事趙玉如事父教玉子  
如已子生餘慶端

咸休

珣長子

字德祥仕周顯德中戶部侍郎居河東新鄉子鵠

○是時夢奇與琦咸休為五服弟兄俱為侍郎故

呂氏舊有三院宗譜

八世龜圖

夢奇長子

號南字遷洛陽縣知泗州贈太師尚書令娶劉氏  
封徐國夫人六子元明蒙正蒙吉蒙史蒙莊蒙休  
○元明早卒蒙正拜相蒙休進士殿中丞餘俱登  
仕

龜祥

夢奇次子

宋太平興國二年進士為殿中丞知壽州民愛其



惠留之遂家焉子蒙亨進士大理寺丞蒙異員外郎蒙周進士大常寺丞

餘慶

琦長子

初宋太祖事周世宗領藩鎮餘慶爲僚佐卽位召拜給事中充端明殿大學士歷知開封潭州襄州等郡蜀平改知成都府王全斌不能戢下有軍校被酒持刀奪市人物餘慶立捕斬之民用安堵初與趙普李處耘同親太祖二人皆先進用餘慶恬不爲意未幾處耘普俱忤旨餘慶爲之辨釋時稱

其長者

端

琦次子

字易直爲政尙清簡有器量寬厚多恕意豁如也趙普常曰呂公奏事得嘉賞未嘗喜遇挫抑未嘗懼亦不形於言真台輔器也常佐許王元佐尹開封王薨坐禪贊無狀遣御史內侍就鞫於府端方決事見二使神氣自若顧從者曰取帽來二使曰何遽如此曰天子有制問卽罪人也下堂隨問而答其謙謹類如此太宗欲相端或謂其糊塗帝曰



小事糊塗大事不糊塗遂相之李繼遷擾西鄙係  
安軍奏獲其母帝欲誅之端曰背逆之人未必顧  
母今日雖殺其母明日繼遷可得擒乎徒結怨堅  
其叛耳不如置於延州善養之以招繼遷雖彼未  
卽降終可繫其心帝從之後繼遷之子納欵端之  
力也上每獨召便殿語必移晷嘗慮與寇準同列  
先居相位恐準不平乃請準叅知政事與宰相分  
日押班知印同升政事堂一日內論自今中書事  
必經呂端詳酌乃得奏聞端愈謙讓不自當太宗

不豫內侍王繼恩忌太子英明謀立楚王帝崩李  
皇后命繼恩召端端知有變鎖繼恩於閣而入立  
太子真宗嗣位垂簾引見羣臣端不拜請捲簾審  
視然後率羣臣拜呼萬歲真宗見輔臣惟於端肅  
然拱立不以名呼又以端軀洪大宮庭階峻令梓  
人爲納陛中丞李惟清構人訟堂吏過失欲以中  
端端曰吾直道而行無所愧也卒年六十六贈司  
空謚正惠追封妻李氏爲涇國夫人子四藩荀蔚  
藹。藹早卒



鶴 咸休子

生子通

九世蒙正 龜圖次子

字聖功父多內寵蒙正與母劉氏被出頗窘乏及  
狀元及第至叅知政事有朝士指之曰此子亦叅  
政耶蒙正若爲不聞同列不能平將詰其姓名蒙  
正止之曰若一知姓名終身不能忘不若不知之  
爲愈也時輦運卒有私販者上聞之曰篙工楫夫  
少有販鬻但無妨公不必究問蒙正對曰水至清

則無魚人至察則無徒曹叅謂不擾獄市若窮之  
恐奸慝無所容也上嘗欲遣人使朔方蒙正疏名  
而上不用他日三問三以其人對上怒其固執投  
所奏於地蒙正搢笏俯拾其奏徐懷而下上曰蒙  
正器量我不如嘗問諸子曰我爲相外議云何對  
曰人言大人無能爲事權屬之同列蒙正曰我誠  
無能但有一能能用人耳每有四方謁見必問地  
方人才客去卽書之冊子朝廷求人出之夾袋中  
富弼十歲其父欲令人書院蒙正一見卽驚曰此



兒他日名位與吾同勲業過於吾遂令與諸子同  
學凡三入相與趙普等後表請歸洛上兩幸其第  
問卿諸子孰可用對曰諸子皆不足用有姪夷簡  
宰相才也累封許國公卒贈中書令謚文穆娶宋  
氏封廣平縣君七子從簡國子博士惟簡太子中  
舍承簡司門員外郎行簡比部員外郎務簡國子  
博士居簡殿中丞知簡太子右贊善大夫

蒙亨 龜祥長子

進士大理寺丞字聖通子夷簡宗簡堯簡。宗簡

字元之進士

藩 端長子

國子博士

荀 端次子

國子博士贈侍郎六子諫說諤諮訥誨

蔚 端三子

中書舍人居永康

通 鶴之子

生子黃英



十世夷簡

蒙亨長子

字坦夫由進士權知開封府真宗識其名於屏將  
大用而未及仁宗朝同平章時劉太后臨朝近  
臣頗以言事去或謂夷簡何不言不去夷簡曰  
先帝待我期以安寧宗社耳平勃不去所以安  
劉仁傑不去所以安唐李宸妃薨夷簡言喪禮宜  
從厚宸妃誕育聖躬而喪不成禮他日必有受其  
咎者莫謂夷簡今日不言也當以后服殮用水銀  
及帝親政有言陛下乃宸妃所生帝號慟詣洪福

寺祭告尊爲太后易梓宮視之玉色如生冠服如  
太后乃嘆曰人言其可信哉待劉太后加厚夷簡  
善斷大事如止契丹借兵罷宦者監軍俱關國體  
在中書三冠輔相封許國公贈太師中書令謚文  
靖配享仁宗廟庭五子公綽公餗公弼公著公孺

說

荀次子

字商佐客於衢州遷居龍游子由仁孫防登熙寧  
進士官大中丞

誨

荀幼子



字獻可家洛陽不妄交遊登進士爲侍御史嘗奏  
臺諫許風聞言事蓋欲廣采納以補缺政今乃暴  
揚暖昧刻薄成風請下詔懲革仁宗女充國公主  
嫁李煒薄其夫常忿而夜訴於上誨奏公主夜叩  
禁門門者不當聽入英宗卽位太后聽政內侍任  
守忠以帝立非已意流言間兩宮誨上書陳大義  
詞極愷切兩宮慈好遂薦英宗立議尊崇本生父  
濮王典禮王珪司馬光議稱皇伯歐陽修議稱親  
韓琦主其說呂誨同范純仁呂大防等劾修首開

異議又劾韓琦附會曰昭陵之士未乾遽欲追尊  
濮王使陛下厚所生而薄所繼隆小宗而絕大宗  
後知言不用卽上還告勅居家待罪上疾請早建  
東宮以安人心旣而少廖請親政攬威福會小旱  
請躬禱奏章俱切要重大神宗遷諫議大夫擢御  
史中丞是時相王安石誨曰誤天下蒼生必此人  
久居廟堂必無安靜之理又曰天下本無事庸人  
自擾之及安石毀新法咸苦之司馬光稱其先見  
誨疾上疏言臣本無疾偶值醫者用術乖方蓋以



身疾喻朝政也疾薦司馬光省之目且瞑光呼曰  
更有以見屬乎張目曰天下事尚可爲君實勉之  
光爲誌其墓三居言職持正盡忠平居言貌恂恂  
及義所可趨之如救焚溺義所不可避之如恐墜  
焉子四由庚由聖由禮由誠

蕢通長子

居衛輝爲比部郎中後遷藍田六子四登科大忠  
大防大鈞大臨俱進士惟大受大觀不第

世公綽

夷簡長子

字裕叔以父蔭補將作監簿仕終翰林學士三子  
希道希傑希亞○希道五子長昭問生民中民中  
生大琮大珪大珪子祖回居溧陽縣祖回子覽年  
居句容○希傑進士判吏部南曹贈少保子嘉問  
龍圖閣學士子安中擇中擇中子大周大興大周  
生祖一祖三大興生祖壽祖堯祖三之子佑年偕  
年居袁州東門祖堯長子穎叔居金壇任祁門尉

公餗

夷簡次子

字明叔太學博士遷居彰德三子希仁希載希聲



今海鹽平湖其後也

公弼

夷簡三子

字寶臣進士初任河北轉運使民疲餽餉公弼始通御河歷殿中丞龍圖學士刑部侍郎兼樞密使英宗時諫曰諫官御史爲陛下耳目執政則爲股肱股肱耳目必相爲用然後身安而元首尊會立新法公不附安石數言宜務安靜公具疏將劾之從孫嘉問竊其藁以示安石安石先白之帝遂罷爲觀文殿學士時以嘉問爲家賊公弼三子希肅

希遠希彥

公著

夷簡四子

字晦叔登進士歷英宗神宗哲宗朝官翰林學士尚書右僕射中書侍郎司空平章軍國事宋興以來宰相以三公平章重事者四人而公著與父居其二初司馬光以論事罷公著封還其命曰是使有言責者不得盡其言也時安石行新法公著極言曰自古有爲之君未有失人心而能圖治亦未有脅之以威勝之以辨而能得人心者昔人之所



爲賢今皆以爲非一切詆爲流俗浮論豈昔皆賢而今皆不肖耶與司馬光同心輔政光卒獨當國是時制舉用安石經義雜以釋氏公著禁主司出題不得用老莊經義叅用古今諸說毋專取王氏其衛道之功甚大公自幼嗜學以治心養性爲本平居無疾言遽色於聲利紛華泊然無所好量弘而學粹遇事善決不以利害動其心於人才如權衡之稱物卒贈申國公諡正獻三子希哲希績希純

公孺

夷簡五子

字稚卿賜同進士出身仕終戶部尙書初知河陽有上卒久役思歸奮斧錘排關西走河橋諸將請出兵掩擊公曰此皆忘命急之則變生卽乘馬遣牙兵諭之曰汝輩誠勞苦然豈得擅還一渡橋則罪不赦矣太守在此願自首者由道左皆停立以俟公索倡首者黥二人餘復送役所二子希述希政

由庚

誨長子



金水主簿誨卒詔以由庚爲太常寺太祝

由聖 誨次子

知雅州

由禮 誨三子

進士第仕國子監

由誠 誨四子

字子明幼明爽有智畧以父恩補官調鄧州酒稅  
臨事精敏老吏不能欺會營兵竊發守貳逃匿由  
誠親往招諭賊歛兵聽命以功遷秩知各水縣隨

征靈州時天寒食盡他邑役夫多潰去惟由誠所  
部無失歷知嘉雅温綿四州皆有治績靖康元年  
差知襲慶府崎嶇至郡城圯糧竭晝夜爲脩版築  
甫就康王移軍濟陽由誠竭力饋餉軍以不乏時  
諸郡兵驕內訌獨由誠拊循有方士樂爲用金兵  
百道攻城誓守死以忠憤激士氣城陷被執殺其  
子仍於前不顧遂被殺子僕與其家四十餘口無  
生還者○七子偁仍僕僕同被害億倬傳不隨父  
任得生



呂氏世系  
大忠 黃長子

字晉卿進士遷寶文閣直學士三帥秦鳳時狀元馬涓爲僉判公謂曰科舉之學旣無用修身爲己之學其勉之馬自謂得師後立朝有聲每嘆曰呂公教我之力也著有鞬川集及奏論十卷

大防 黃次子

字微仲進士爲永壽令縣無井公行近境得二泉疏爲渠民賴之號曰呂公泉哲宗朝爲翰林學士遷吏部尚書言夏人無能爲新收疆土議者多言

可棄非慮也但守禦之策擇將帥爲先昔太祖用姚斌董遵海守環慶西人不敢侵昔以二州之力禦敵而有餘今以九州之大奉邊而不足由是言之在於得人而已元祐三年轉尚書左僕射兼門下侍郎見哲宗益壯取仁宗邇英殿御書解釋上之又據乾興以來四十二事足爲勸戒者標曰仁宗聖學時洛蜀朔分三黨惟大防秦人慤直無黨帝臨國子監釋奠或言視學必有爵命頒賜大防曰古者天子視學爲常事吾欲天子時時幸焉金



帛之賚後日何可繼也聞者乃服宣仁太后崩哲  
宗親政楊畏首叛大防進紹述神宗之說章惇呂  
惠卿等進用安置元祐宰執於嶺南大防卒於虔  
州公立朝挺挺進退百官不可干以私不市恩嫁  
怨以邀譽執政八年終始如一過市不左右目燕  
居如對賓客弟兄相切磋論道考禮冠婚喪祭一  
本於古所著有文錄二十卷掇遺一卷徽宗初復  
其官贈太師宣國公謚正愍

大鈞

黃三子

字和叔進士仕陝西轉運從事初學於橫渠又卒  
業於二程能守其師說而踐履之以聖門事業爲  
已任著有成德集三十卷及四書註

大臨

黃五子

字與叔與游酢楊時謝良佐號程門四先生登進  
士歷太學博士秘書省正字著有克己銘及玉溪  
集二十五卷

十二世希哲

公著長子

字原明少從孫復石介胡瑗學復從二程張載遊



聞見益廣務躬行實踐以蔭入官爲崇政殿說書  
歷知曹州相州邢州卒封滎陽公子好問疑問

希績

公著二子

字紀常進士子三益問言問欽問

希純

公著三子

字子進進士及第中書舍人出知亳州遷寶文閣  
待制贈少保六子孝問能問聰問丕問光問邦問

○按龜圖龜祥之後蒙字輩九人簡字輩十八人  
公字輩十五人希字輩二十三人問字輩七十二

人至中字大字祖字輩丁齒之繁簪纓之盛莫過  
矣是時世居河南開封後各爲遷徙

億

由誠長子

字大章以蔭歷官大理評事先隨父知溫州新昌  
袁雪堂爲溫判億爲其贅壻後父死難遂居新昌  
後卜葬於五山鄉一都蒼嶼子三長集次紹庭紹

彭

傅

由誠三子

居蜀其子紹清自蜀赴闕懇祖忠節詔贈由誠通



奉大夫廕二子

倬 由誠五子

以蔭入太學居東陽

十三世好問 希哲長子

字舜徒以蔭補官靖康初召爲左司諫疏蔡京過  
惡及削王安石王爵金人陷真定劾大臣畏懦誤  
國金人立張邦昌卽遣人白康王勸進高宗卽位  
除尙書右丞封東萊郡侯子本中揆中弼中用中  
忱中



